



咨

內務部咨各省都督勞來農民文

本年三月十一日奉大總統令開軍興以來四民失業而尤以農民爲最田野荒蕪人畜流離器具穀種之類存者蓋鮮自近日海內粗平流亡漸集農民夙無蓋藏將何所賴以爲耕織之具夫一夫不耕或受之飢若全國耕者釋耒則雖四時不害而飢饉之數已不可免國本所關非細故也方今春陽載和正屆農時若不亟爲籌劃一或懈豫衆庶艱食永懷憂慮無忘厥心爲此令仰該部迅卽咨行各省都督飭下所司勞來農民嚴加保護其有耕種之具不給者公田由地方公欸私田由各田主設法資助俟秋成後計數取償各有司當知此事爲國計民生所係務當實力體行不得以虛文塞責勉盡厥職稱此意焉等因奉此除分咨外合就咨行貴都督妥籌辦法出示曉諭並通飭所屬一體遵照辦理以保農民而維國計此咨

內務部咨各省都督禁止纏足文

本年三月十一日奉大總統令開纏足之俗由來殆不可考起於一二好尙之偏終致沿

滔莫易之烈惡習流傳歷千百歲害國凶家莫此爲甚夫將欲圖國力之堅強必先圖國民體力之發達而纏足一事殘毀肢體阻闕血脈害雖加於一人病實施於子姓生理所証豈得云誣至因纏足之故動作竭蹶深居簡出教育莫施世事罔問遑能獨立謀生共服世務以上二者特其大端若他弊害更僕難數曩者仁人志士嘗有天足會之設開通者已見解除固陋者猶執成見當此除舊布新之際此等惡俗尤宜先事革除以培國本爲此令仰該部速行通飭各省一體勸禁其有故違禁令者予其家屬以相當之罰切切等因奉此查纏足之風前清亦有禁令惟奉行不力徒具虛文或立法太嚴難收實效今民國成立此等惡俗斷難容其再存然積習已深革除非易操之太促既恐難於推行持之不嚴又恐流於玩忽勸諭之方法懲罰之重輕必使閭閻無騷動之憂草野有風行之象或加入演說團訓切開導或另設天足會實力引收已纏者令其必放未纏者毋許再纏倫鄉僻愚民仍執迷不悟則或編爲另戶以激其羞惡之心或削其公權以生其向隅之感惟目今自治會多未成立戶籍法亦未頒行調查不易周詳科罰難期一致且各省風氣既異辦尤法宜折衷似難懸擬一定罰則轉生阻碍除分咨外合先咨貴都督遵照

大總統令文迅卽按照地方情形妥擬勸禁方法尅日施行毋稍延緩以收速效而挽惡風此咨

令示

大總統令陸軍部准給總參謀王家駒卹金並附祀忠烈祠文

據陸軍部總長黃興呈稱山西行軍參謀王家駒率兵攻克寧武懷仁六同一帶以功升總參謀兼四標統帶由虎谷渡河畧取河西蒙古地賊聞驚潰進佔薩城托斯和等處不料孤軍深入彈盡援絕爲敵彈貫腦而死查該總參謀忠勇性成前後十餘戰無不身先士卒卒至捐軀報國理合呈請優卹准將該總參謀王家駒照左將軍例優給陣亡一次卹金一千二百元遺族每年卹金七百元並准附祀晉鄂兩省忠烈祠等情自屬正當辦法應卽照准以示褒獎藉慰忠魂此令

大總統通令各省將應解部欸從速完繳以資挹注文

據財政部總長陳錦濤呈稱據會計司案呈(原呈見前)等由前來查現當建設伊始庶政待興支出則刻不容緩收入則的款無多該部所陳財政窘迫各節自係實情目下各

地秩序已漸回復各種法制未經頒布以前其一切應行經征各款項自當照舊征收解交財政部以充中央行政各費用中央與各地互相維持新造民國乃得立於不敝我各省賢達有爲之都督司令及百有司必能深明此義無俟本總統之反覆說明除照所呈另咨參議院外爲此令仰該 即將應解部款從速完繳俾資挹注切切毋違此令財政總長陳錦濤副署

大總統令法制局審核呈復律師法草案文

據內務部警務局局長孫潤宇呈送擬就律師法草案請咨參議院議決前來查律師制度與司法獨立相輔爲用夙爲文明各國所通行現各處旣紛紛設立律師公會尤應亟定法律俾資依據合將原呈及草案發交該局仰即審核呈覆以便咨送參議院議決切切此令

計發交原呈及草案各一件

內務部令南京府知事查覆徐州公民請將段書雲私宅改徐州會館

文

爲令行事本年三月九號據徐州公民章相家等請將前津浦鐵路南段總辦段書雲所遺省中私宅改爲徐州會館一案除批示悉所請將段書雲房屋改徐州會館一節事關個人財產未便擅准候令南京府知事查明核奪外合就錄批令行該府迅速詳查具覆以憑核辦此令

內務部批僑商招鏡泉等請墾官荒呈

據稱該僑商在檀香山金山等埠歷辦田寮及廣業公司有年前因南洋勸業會回華查得上新河中灘及皇木廠地方有荒地數里堪以開墾籌足經費五萬元呈請核准開辦並按畝繳呈官價等情查僑商遠隔重洋眷懷祖國值此光復之初元氣未復擬招集流亡以工代賑一裕國計一厚民生殊堪嘉尚應准如呈辦理惟荒地有無糾葛荒價畝值幾何候令南京府迅查酌擬呈覆核辦該僑商仍應將此項墾荒資本五萬元開具殷實富商執帖赴部呈驗並迅將荒地廣袤四至繪圖貼說報部存查以憑發給執照藉資信守明示本部優待僑商力加保護之意惟是計畝升科不妨寬至五載而墾荒成熟應以三年爲期倘或逾期未墾及墾有未盡非遇特別重大原因一俟期滿凡在未成熟地仍

應收歸國有再行另放其原繳荒價亦即一律充公不准領還非故嚴爲限制實將以力促進行也該僑民其諒之此批

實業部批安寧墾牧公司總理曹錫圭請領墾南京城內外官荒呈

呈悉寧城內外滿目荒蕪不事開墾棄利可惜該總理厚集貲本領墾官荒各地事屬可行惟查領墾官荒辦法曾經內務部總長程交議會議定應歸自治公所查明方可給領仰卽往自治公所商議承領可也此批

實業部批揚州合羣樹畜公司經理人蕭琪等請立案給示保護呈

呈悉該經理等注意實業創辦公司已歷三載餘成績良有可觀仰卽檢齊原訂簡章及從前所領執照等一併呈驗後再行給示可也此批

實業部批揚州合羣樹畜公司經理蕭琪等續請立案呈

呈及簡章均悉該經理等承領荒地創辦公司當時定給執照據稱時閱三載迄未領照其中難保無另有別情仰卽呈請揚州民政長查明詳部再行核奪此批

實業部批江安漁業公會請迅予立案呈

來呈閱悉仰仍遵照前批可也

實業部批勸業會場樹木保護員邵恩綬請撥款出租塘地呈

會場樹木加意保護毋負呈請委任之原意本部亦洵有厚望所請撥款並出租塘地各節均從緩議此批

紀事

陸軍部呈請給予總參謀王家駒卹金並附祀忠烈祠由

陸軍部總長黃興爲呈請事案據前充山西朔方招討使孔庚稟稱竊庚死友王家駒湖北隨州人先在北京軍官學校教官講習所武漢起義日謀歸里助戰苦道阻不得達適吳祿貞糾合東北各路民軍爲直擣幽燕之舉召王爲參謀吳被刺王入山西經閻都督委爲行軍參謀率兵攻克寧武懷仁大同一帶以功升總參謀兼四標統帶遂由虎谷渡河略取河西蒙古地賊聞驚潰益進佔薩城托斯和等處不料孤軍深入彈盡援絕爲敵彈貫腦而死查該總參謀忠勇性成前後十餘戰無不身先士卒卒至捐軀報國功雖未竟其志亦可悲矣庚與王共事日久知其顛末最悉竊懇據情轉呈請卹等情據此查本

部前痛各烈士死事之慘會擬陣亡給卹專條並電商各省都督迅將亡清昭忠等祠改爲漢忠烈祠俾死義者一體入祀呈請批准各在案今據孔庚具呈前情本部覆駁無異理合呈請大總統鑒核准將該總參謀王家駒照左將軍例優給陣亡一次卹金一千二百元遺族每年卹金七百元並准附祀晉鄂兩省忠烈祠以示褒獎之處出自鴻裁實爲公便此呈

實業部電安徽都督取銷與外人訂辦銅官山鑛合同文

安徽孫都督鑒頃閱報章載貴都督將與日人訂立合同合資開辦銅官山鑛產資本定爲日金三百萬元中日各半中國應繳之數卽以銅官山鑛產及從前工程機器房屋等作價日金一百二十萬元另招股本日金三十萬元以足其數合同定後貴都督卽向公司借日金一百五十萬元作爲安徽行政要需此宗借款卽以銅官山採掘權作抵等語披閱之下不勝惶駭查鑛山國有各國通例今本部草訂鑛法用意亦復相同况開鑛一事可否招集外股尙未決定各省如有開辦鑛業之事自應咨由本部酌核辦理以保鑛利而一事權今貴省與日人合資開辦銅官山鑛產一事並未咨商本部所擬合同諸多

損失利權之處現在人心憤激議論紛騰事如屬實望即取消爲禱實業部皓

閩都督呈報遵照部議取銷昭忠祠並報効住屋由

兩奉陸軍部濛電於湘楚淮軍各專祠及昭忠祠改祀民國死難烈士一事持論甚爲詳明查先父於前清甲申中法之役在台北戰勝法蘭西保全中國土地故於閩省得建專祠其建造之費由道仁自行籌措外附昭忠祠一所係同軍人合建以祭祀將士之捍衛同胞者現奉電示道仁忝爲閩省長官自應恪守命令首先遵照取銷兩祠名目將祠廬交政務院照部議辦理惟祠後住宅一所係道仁自建向作家屬寄寓之所茲當祠宇歸公住屋亦當報効入官除造册交政務院分別核議施行並電覆陸軍部至閩省別項祠宇甚多亦應由政務院查明分別辦理外此呈大總統孫察核施行孫道仁

大總統追悼江皖倡義諸烈士文

中華民國建立之元年三月二十日國民公僕孫文謹致祭我江皖倡義趙吳熊倪諸烈士之靈而奠以詞曰嗚呼莽莽神州山川大佳繡錯膏沃曰江曰淮是生哲人文光漭漭何斯淪胥武裝璀璨亦以族類敢異其心行同竊鈇號等摸金昆岡旣炎則莫克遏懷襄

之流靡或不沒崇山崕嶺橫心所兵韞鞬宮羽橫聲所鳴灑灑江淮壯人之淚化碧激哀
剖心作氣嗚呼京江湯湯戎衣鏘鏘劍膽詩心癰疽肺腸椽我常山天胡不牖麗爾仙城
三月念九嗚呼徵我兵士本我爪牙觥觥倪英復我邦家亦越趨烈日有熊裔在江之濱
爰舉烽燧嗚呼孰關草萊唯吳季子滄濛燕雲霹靂而起血釁金湯脂敷竄詰權輿椎輪
先覺是倚嗚呼英烈多多有名無名大化消息孰攝緘膝畀我英烈手造江山如此江山
英風不還滔滔東流夾流聳翠手提擲還羣靈之惠有酒在尊有肉在俎爲女秋獻披瀝
丹府悠悠我思股肱心膂爲我告哀九泉之下尙饗



雜報

財政部呈送三月分支出總櫛算冊及表

(原呈見本報第四十三號)

外交部

共洋四千五百九十元

內務部

共洋二十七萬七百元四角

財政部

共洋七千二百六十八元

陸軍部

共洋八百九十三萬五千八百九十二元六角二分

海軍部

共洋十九萬七千三十六元

教育部

共洋四千八百五十四元

司法部

共洋一萬一千四百一元

實業部

共洋四千九百九十二元

交通部

共洋八千八百四十六元

參謀部

共洋六萬九千九百四十七元

大本營

共洋十萬四百十六元

衛戍總督府

共洋十二萬八千六百三角九釐

法制院

共洋六千二百八十七元六角

印鑄局

共洋五千二百九十元

公報局

共洋一千七百二十三元

統共計洋九百七十五萬七千八百四十三元九角二分九釐

三月分支出總概算表

機關名稱	俸給		廳費	旅費	間接支款	共計	說明
	現金	公債					
外交部	二〇二一〇元		一八〇〇元	六八〇元		四五九〇元	來表未分 旅費茲以出差 費馬車費作為 旅費
內務部	一一〇一〇〇元	三五〇〇元	五〇六〇七元	二五〇〇元	一八四九四元	二七〇七一四元	間接支款中 有公債九百 在內
財政部	四六五八元		二〇一〇元	六〇〇元		七二六八元	
陸軍部	八八八四元	八六二二七四八元				八九三五八九元	
海軍部						一九七三六元	來表未依本 部冊式列填 故無從分析
教育部	二四二四元		一二六〇元	三七〇元	八〇〇元	四八五四元	
司法部	五四七〇元	二〇二〇元	二四一〇元	一五〇〇元		一一四〇一元	

統共計銀九百七十五萬七千八百四十三元九角二分九釐

實業部	三・三六〇・元		九八六・元	三六〇・元	二八六・元	四・九九二・元	
交通部	五・三七〇・元		二・三七六・元	一・一〇〇・元	一二・五〇〇・元	八・八四六・元	間接支款係定印記念郵票之用
參謀部	一九・八二〇・元		四三・二三七・元	六・八九〇・元		六九・九四七・元	
大本營	一五・三三三・元		九〇・八三・元	一・〇〇〇・元		一〇・四一六・元	預備金七萬五千元填入共計項下
衛戍總督府	六四〇・五・元	二・二一六・元	九七三・五六四・元	二四四・三五五・元	一・七九・八三九・元	一二八六・三・九・元	間接費項下有公債票九四八九元在內
法制院	一・七八〇・元		二・七・七六一・八〇〇・元			六・二八七六・元	
印鑄局						五・二九〇・元	來表未照本部冊式填列故無從分析
公報局	三三四・元		一・三三九・元	五〇・元		一・七二二・元	

財政部軍用鈔票通用式證通告


本部發行南京軍用鈔票計分兩種其一註明三個月後兌換者背面蓋有部印文曰中華民國財政部之印其一註明憑票即付者正面右方蓋有小戳文曰中央財政部發行之印左方有墨印簽字以上兩種鈔票均可一律通用並准隨時到本部所設兌換所兌換現洋合行通告仰商民人等認明行用可也



臨時政府公報 附錄

中華民國元年三月二十二日星期五

隨報附出 不另徵費



電報



萬急北京袁大總統鑒茲得參議員吳景濂谷鍾秀彭占元李鑿劉星南函稱前議決接收北方統治權案當經咨由大總統照辦昨報載袁總統今已將原有督撫各省改爲都督是議決案之第一項已施行惟都督必須由本省人民公舉其如何公舉如何委任皆於該議決案內載明請將該案電達袁總統以免施行時與議案齟齬再公舉都督必須爲一般所屬望之人始能勝任昨接直隸諮議局來電已公舉駐甯第三軍軍長卽廣西副都督王君芝祥爲直隸都督並逕電袁大總統卽請電致袁大總統照案加以委任不勝禱盼之至等情特此電聞孫文恕附參議院原咨據本院議員提議關於接收北方各省統治權辦法一案茲於十六日會議議決以清帝退位滿清政府亦既消滅北方各省統治權勢必由中華民國迅卽設法接收以謀統一合將議決辦法另錄附呈卽請查照

施行此咨大總統附接收北方統治權辦法五條一未立都督各省將原有之督撫撤除另設都督爲該省之行政長官以昭劃一二各省都督由各該省人民公舉其未舉定以前卽由臨時政府電委原有之督撫爲臨時都督暫代其職但各該省有督撫與都督併立者仍應各守其現領區域三卽由臨時政府通電各省諮議局改爲臨時省議會限一月以內招集臨時大會公舉都督四臨時省議會既將都督舉定應電請臨時政府承認後卽日視事並由大總統補給委任狀五以上所言各省係指東三省直隸河南山東甘肅新疆各省而言

(南京去電三十九)

萬急廣東陳都督炯明鑒電悉王和順在粵舉動早有所聞蓄意破壞當非一日此次公然作亂目無法紀幸除其一二私黨之外各民軍皆知大義不受所煽惑而貴都督堅強不撓辦理尤合機宜民害之除社會之幸也自茲以後我粵民軍當以遵守軍紀維持治安爲第一之天職慎終始善保光復之成勳是所厚望臨時大總統孫文皓

(南京去電三十八)

萬急南京孫大總統黃陸軍總長鑒惠軍統領王和順弁髦軍令蔑視政府縱容部下占踞要塞炮台強奪警察隊駐所私自派人往安南招兵致法人來函詰責更復圖竄廣西

占領灣梧各屬種種橫悖行爲足以証其立心肇亂者擢髮難數此次因散關仁甫私招兵士王及所部陸梅廖竹斌等遂與關仁甫楊萬夫密謀一面以政府解散民軍爲題肆行煽惑一面計畫圍攻省城初八晚新軍巡查隊長巡查至海味街惠軍衛隊阻不許過巡查隊認之還報燭明當經飭王和順代表到府以理曉諭初九日之午新軍復以巡查任務行至該處惠軍阻之如前且復開鎗轟擊巡查軍一面抵禦一面回報燭明即派羅委員持令前往彈壓只隨帶憲兵四名至永漢門附近卽爲暗伏互面之惠軍槍及羅委員及憲兵等遂退回後派彈壓兵一排續往肇事場所至永漢橋復被擊斃排長兵丁四人傷一人是晚復派陸軍司長往晤王戒其勿破壞大局終藉詞新軍欲繳伊軍械不肯收隊而其部下廖竹斌等竟揚言新軍不先收隊王統領卽往西關稱都督等語至初十日惠軍在永漢門外圍攻新軍者愈益猛且盤踞當樓安炮樓上以便攻城一面發信李福林陸蘭清黃明堂等民軍統領煽令助攻信中有放火燒城之語幸均不爲所惑燭明初以城廂內外民居稠密不忍以武力鎮壓致損壞商場故擬隱忍調停息事徐圖處置方法惟彼輩怙惡不悛關仁甫軍踞東堤楊萬夫軍在歸德門遙爲聲援節節進攻十

一早長堤惠軍先開大砲五次向城轟擊且連發兩炮轟擊江固兵艦炯明遂不得已准令新軍用砲將亂軍恃爲掩護礙難進攻處所擊破並令新軍四面兜剿遂將亂軍擊散關仁甫王和順暨其部下陸梅廖竹斌等均逃十三日省城秩序完全恢復計仁軍及王和順衛隊陸梅所部惠軍一協除死傷及棄槍逃走或繳械降服之外只餘三數百人刻已酌量繳槍給資遣散或編歸別軍其楊萬夫所部協字營兵因助戰至遠故死傷逃亡略少然亦擬解除楊之兵權願遣散之兵必致遣散以符決定之政策是役新軍死者約二十人傷者約四十人永漢門歸德門外及東堤娼寮地方畧有損傷刻已出示令該處居民將所受損害情形具報以便撫卹此次事變爲粵省獨立以來刻刻所預期者及今爆發尙易收拾若姑息容忍將來之禍恐尙不止此也炯明刪印

(廣東來電三十六)

孫大總統黃陸軍總長黎副總統鈞鑒蔚自共和告成屢經辭職早已分電在案十七日奉袁大總統電云烟台藍都督十四十五兩電悉執事關心大局化除意見深堪嘉尙取消都督一節已電商孫大總統酌量辦理一面將所部軍隊妥爲收束其關於關外民黨恤死救生之舉亦應迅速辦理已由唐總理撥交奉天聯合急進會代表朱錫麟張英華

銀一萬元并派員赴奉料理希卽由該都督派員商明東三省趙都督辦理總期力勸黨人消釋前嫌共謀共和幸福免滋擾亂是爲至要執事深諳兵事倚任方殷前日已電商參議院求其同意希卽迅速部署一切事竣後來京襄助大總統袁銑印等因蔚除電請袁大總統遴員蒞烟并懇預示啓行日期以便接待是所至禱藍天蔚叩嘯

(烟台來電四十)

南京總統府參議院各省都督府暨各省臨時議會各報館公鑒前清山東巡撫張廣建陽認共和陰行專制暴戾恣睢日以捕拏政黨爲事煽兵殃民十室九擾魯省紳士不堪其虐相率來烟組織臨時議會現已完全成立正式公舉胡君爲山東都督省議會特派代表范君之杰丁君惟魯安君學賢丁君惟沛暨議員周君樹標王君志勳晉京面謁袁大總統要求罷斥張廣建飭胡都督赴濟履新誠以權力相爭不達目的不止特此通告山東臨時議會周慶恩等全體議員公叩元

(烟台來電四十一)

袁大總統孫大總統黎副總統參議院暨各報館均鑒頃閱南京海軍協會通電云有某報載天蔚將爲海軍總長閱誦之餘殊深駭異竊惟國家之強弱端視用人之當否滿清

所以不能長存者原因雖甚複雜而用人不當首爲要害民國初立當不至再蹈前轍海軍責任重大非學有專長斷難勝任天蔚素乏經練何敢濫厠其間致滋貽悞報章所載係謠傳則已如政府果有此意即請立予取消勿任宣佈不勝感禱之至藍天蔚叩嘯

(烟台來電四十二)


各省衙門均鑒本日奉令臨時大總統令都察院都御史張興麟呈稱年老力衰懇請開缺等語應卽照准都察院都御史事務委任陳名侃暫行典管此令委任王占元充駐紮保定總司令官所有駐保軍隊均歸節制此令委任山東護軍使馬龍標充陸軍第五鎮統制官并會辦山東防務此令鴉片煙爲害歷歲久遠年來定限禁絕醒悟者日多稍免荼毒乃軍興之後禁令漸弛復有滋蔓之患亟宜重申嚴禁責成各長官將從前禁種禁運禁吸各辦法繼續進行毋得稍有疎懈並當剴切曉諭俾知禁烟爲除害救民之要圖凡我國民尤宜視爲鴆毒互相勸懲不得圖一時之利而忘無窮之害此令委任趙惟熙護理陝甘總督此令直隸布政使凌福彭卽行開缺此令京寒

(北京來電四十三)

孫總統鑒王和順指兵肇亂陳督執法解散原爲大局起見乃多有猜嫌詆毀陳督告辭

粵省震動亂機隱伏迫乞速電慰留以救全粵香港綢緞疋頭行全體叩露

(香港來電四十四)



告白



總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日為限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報為中華民國實業部之機關報故名曰實業公報

本報以宣布實業法令灌輸實業學識為宗旨

本報暫定門類如左 (無則姑闕)

甲 圖畫

乙 法令

丙 著論

臨時政府公報 第四十五號 附錄

七

丁 譯述

戊 調查

己 電報

庚 紀事

辛 雜錄

本報爲發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上

六折

外交部廣告

本部於三月二日遷鼓樓前獅子橋所有電報公文各項函件希按址投遞爲盼

臨時政府公報局告白一


各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉覘地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之姓名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆



本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡登本報者公文未到以本報
到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號會瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠